

師古曰澶音獲陶爲秋苴侯晉灼曰功臣表秋苴屬勃啖爲平

州侯長爲幾侯最以父死頗有功爲沮陽侯左將軍徵

至坐爭功相嫉乖計棄市樓船將軍亦坐兵至列口當

待左將軍蘇林曰列口縣名也度海先得之擅先縱失亡多當誅贖爲

庶人

賁曰楚粵之先歷世有土及周之衰楚地方五千里而

句踐亦以粵伯師古曰伯讀曰霸秦滅諸侯唯楚尚有滇王漢

誅西南夷獨滇復寵及東粵滅國遷衆繇王居股等猶

爲萬戶侯三方之開皆自好事之臣故西南夷發於唐

蒙司馬相如兩粵起嚴助朱買臣朝鮮由涉何遭世富